



ル 5
3143
2



門 儿 5
號 3143
卷 2

偃師縣志卷二

翰林院編修孫星衍

偃師縣知縣湯毓倬

同纂

地理志下

縣署在城內敦化坊

河南府志偃師縣署在城內敦化坊漢時舊治歷代因之後毀於兵順治三年知縣王珉重修大門建譙樓置更鼓左土地祠寅賓館故址左為首陽驛右西南隅為監獄堂左置庫右置蕭曹祠北日思補堂堂

地理志

地理志下

後為官宅知縣宋中鴻魏惟業修乾隆二十四年知

縣高積厚修二十六年盡沒於水二十七年知縣羅

德重修三十年知縣王垂緒修

吏署在故縣丞署東

教諭署在敬一亭久廢今寓明倫堂後

訓導署在明倫堂西久廢今改建敬一亭北

故縣丞署舊志雍正十二年改建在治東今廢

故三簿署在治西今廢

故縣丞署在治西北今改建監倉

故縣丞署在治西

新書院在治東今改建酒庫

藥局在治東醫學在治東南

申明亭在縣門東

旌善亭在縣門西

運運所在東門左

布政分司在治東

按察分司府廳俱在治西

舊志云今俱廢

陰陽學在治西南

舊志康熙三十年知縣王澤長建

舊會司在治南壽聖寺內

道會司在治東城隍廟內

資濟院舊在治北今廢改建西郭內

舊志康熙三十八年知縣王澤長改建

舊濟堂在西郭

舊志雍正十二年奉文建

育嬰堂在西郭

舊志雍正十二年奉文建

演武場在西郭外

舊志袤一百步廣五十步舊置亭有將臺今圯

營房在縣境

舊志一在縣東十五里舖人和邨一在縣西十里舖

新寨邨一在縣西三十里義井舖一在縣東南三十

五里府店各置營房惟府店係知縣捐建餘俱奉文

請帑建修

倉

河陽倉

隋書地理志偃師有河陽倉

常平倉在治西北隅

清倉二俱在治東

舊志一康熙四十七年奉文建一乾隆元年奉文節
廢行署建

監倉在治西北

舊志雍正間知縣郎文焯奉文即驛丞廢署改建
社倉二一在治西北一在新寨鎮

舊志三間在治西北二間在新寨鎮俱乾隆九年知
縣朱續志詳動息穀創建不敷復捐俸三十餘金成
之

驛道

戶編蓋

史記田儋傳田橫迺與其客二人乘傳詣洛陽未至
三十里至尸鄉廐置遂自刎

曲河驛

太平寰宇記偃師縣東洛北有曲河驛以洛水之曲
為名

首陽驛

方輿紀要在偃師城西

縣圖經見驛塘馬三十二匹驛塘損遞等夫五十名
歲夫工料等銀一千四百六十四兩二錢二分五釐
毓倬按首陽驛今移城內典史署前邑當東西兩路

通旭西北一路越邙山渡黃河直達孟縣每隆冬河
水腹堅柳園榮澤兩渡阻凍使節銜車及東南數省
急遞俱由邑與孟縣往來乾隆二十七年糧儲驛鹽
道溫必聯條議調榮澤馬協濟鞏縣偃師咨部准行
添設腰站焉

總舖在城內孫家灣舖在東十五里新寨舖在城西十
里蔡庄舖在城西二十里義井舖在城西三十里石峽
舖在城西北十里丁府店舖在城南二十五里綴氏舖
在城南二十五里府店舖在城東南三十里蔡駕店舖
在城東南五十里孫家灣舖東至省城新寨蔡莊義井

舖西至河南府石峽舖西北至孟津綴氏丁府店舖
南至嵩縣府店蔡駕店東南至登封

坊表

諸坊表在城內

舊志進士坊二一為高斐立一為褚寶立繡衣坊為
景仲光立太僕坊為朱旒立地官坊為高惟孝立勅
封坊為景端立步蟾坊為王佐立鸚薦坊為齊敬立
折桂坊為魏本立步月坊為武讓立鵬搏坊為魏昭
立錦標坊為石煥立登科坊為張崇立世科坊三一
為高惟貞立一為高惟賢立一為史緒立冠英坊為

武璩立書錦坊為史鑑立登雲坊為高進立掄秀坊
 為姬廉立承芳坊為史相立光裕坊為史唐立鄉賢
 坊二一為孫檢立一為任亮立方伯坊為張蒲立司
 徒坊為蘭完植立中丞坊為張其平立直諫坊為曹
 挺達立進士坊四一為王德顯立一為李向芝立一
 為張相立一為姬之盤立義夫坊為監生劉鳳立雙
 節坊為席玘妻齊氏席江妻侯氏立貞壽坊為百歲
 壽婦王喜妻姚氏立貞節坊三十七為宋桂妻丁氏
 程晉妻彭氏史纂易妻任氏劉盤妻穆氏周全妻
 張慶生張燧妻史氏郭升妻趙氏生員裴瑄妻王氏
 正德烈妻張氏楊色粹妻張氏李希勉妻董氏呂章
 祚妻劉氏李經明妻魏氏史云恭妻馬氏郭允昌妻
 李氏牛惟義妻楊氏郭文吉妻李氏劉熾妻郭氏李
 作相妻姬氏楊言妻李氏武勳妻董氏郭登朝妻劉
 氏王宗祚妻底氏田生瑞妻常氏王德渥妻李氏劉
 芳聞妻王氏李考妻陳氏李興聖妻尙氏孫垂芳妻
 于氏郭正坤妻端木氏張章程妻魏氏邱學文妻孫
 氏魏之珩妻周氏烈女楊氏鮑淵妻蕪氏馬倬妻魏
 氏袁珣妻孟氏立

人橋

晉書武帝紀泰始十年十一月立城東七里澗石橋
水經注七里澗有石梁卽旅人橋也昔孫登不欲久
居洛陽知楊氏榮不保終思欲遜跡林鄉隱淪安死
楊駿埋之於此橋之東駿後尋亡矣凡是數橋皆壘
石爲之亦高壯矣制作甚佳雖以時往損功而不廢
行旅朱超石與兄書云橋去潯陽宮六七里悉用大
石下圓以通水可受大舫也題其上云太康三年
十一月初就功日用七萬五千人至四月未止此橋
經破落復更修補今無復文字

預之荆州出頓之所也

星衍按縣圖經西有石橋鎮卽旅人橋也

石橋

舊志在治西二十里今石橋鎮西故洛陽城東伽藍
記魏都城建春門外一里餘至東石橋又云石橋有
四柱在道南銘云漢陽嘉靖四年馬憲造橋南卽中
朝牛馬市

通濟渠三橋

通鑑武德元年九月世充出師擊密癸丑至偃師營

於通濟渠南作三橋於渠上密留王伯當守金墉自引精兵出偃師阻邙山以待之

奉先橋

玉海景德四年二月西京新造訾店渡橋癸酉賜名奉先通志奉先橋在縣舊有永安陵為奉陵寢而設因以名橋河南府志入鞏縣

雙鳳橋

舊志在東郭外

二龍橋

舊志在西郭外橋二座俗呼百步兩座橋

溫泉橋

舊志在治東二十里崇禎中巡撫張其平建

望仙橋

舊志在府店東成化中七品散官高經建隆慶間陳叔莫等重修

聖高橋

舊志在望仙橋東嘉靖中鄉民張裴等建

通濟橋

舊志在泰鴛店東

寧嶺橋

舊志上下二座在嶺北里民丁林鍾與弟應鍾同修

甘露橋

舊志在夏侯村

夾溝橋

舊志在治東南四十里雍正十二年封文林郎喬欽庠生喬元炤倡眾捐資重建

廣濟橋

舊志在顧縣明高思建

通雲橋

舊志在顧縣南一里國朝林秀等建

魏橋

舊志在營房口南一里監生蕭廣生初建

經州橋

舊志在治南五十里監生張希賢重修

姬家橋

舊志在治南三十五里

白雲橋

舊志在緱氏東鎮明嘉靖鄉民戴邦捐化建

牛澗橋

舊志在復合村姬家橋溝口歲貢姬奉楷叔建土橋
庠生姬民悅重修後北乾隆六年庠生姬宏緒鄉民
王體太陳炳捐化改建石橋更增寬大

伊川橋

舊志在程家村東宋程伊川夫子創建元懷遠將軍
程雷重修 國朝程子厚又重修

香椿橋在香椿崖伊水之上

舊志輟轅人洛要津每至冬令村民共築浮橋以濟
行旅歲久廢壞乾隆七年耆民周述禹捐資獨建又
相約眾姓積金儲材歲歲修葺以冀永久邑令朱

尸鄉

地理志偃師縣尸鄉殷湯所都

晉太康地道記田橫死於是亭故曰尸鄉

史記正義按尸鄉在洛州偃師縣西南五里也

芝田鄉

曹植洛神賦秣馬乎芝田

太平寰宇記緱氏縣芝田鄉在縣北

元程震碑附於金昌府芝田縣官庄里少中君之新

塋

通志云田鄉在縣

龍池鄉

開元十四年太子賓客陳憲墓志葬於偃師縣龍池鄉之北原

毫邑鄉

貞明二年葛從周碑歸葬於偃師毫邑鄉

柏李邨

太平廣記引廣異記唐元和元年六月偃師縣柏李邨震電於民家地裂丈餘長十五里測無底所裂之

處井甯相通所衝之墓棺出地亦不知所由也

緱氏鎮

元豐九域志熙寧八年省緱氏縣為鎮金史地理志

偃師縣鎮一緱氏

偃師鎮

元豐九域志熙寧三年省偃師為鎮

星衍按此疑今縣也即太平寰宇記所云在府東南七十里者熙寧三年省為鎮八年復置在縣西十里則仍隨唐之故城與

官莊里

程震碑附於金昌府芝田縣官莊里少中君之新塋
各郵鎮

舊志邑分五里曰仁義禮智信每里又各為上下以

統屬郵鎮犬牙繡錯時有改革謹按縣屬各地方所

領紀之縣東曰樂義地方領前屯離城二里後屯離城三里

家埕離城五里王家埕離城六里寨溝離城七里山圪墘離城十里化家

村離城十里共郵七人和郵地方領孫家灣西頭離城十五里

市台家溝離城五里忠義地方領孫家灣東離城十五里

石家庄地方離城十五里縣東南曰和合地方領史家灣

營房口市置魏家溝 東官底 中官底 西官底

以上各離城十里 燒灰埕離城五里 共郵七霄溝地方領

村離城六里石家溝離城八里魏家埕離城五里顧家屯離城十里

共郵四頁義地方領家郵離城十五里馬澗河離城三十里

新寨離城十七里周家寨 汪家庄以上各離城二十八里馮家

庄離城十九里花張村 桑家溝 江村寨 關家庄

趙屯寨以上各離城三十里共郵十一管毛地方領管毛郵離城三十里

扒頭郵 夏后郵 馮家郵 王家庄以上各離城三十里

夾山 李家埕以上各離城四十里共郵七萬安地方領東

口子西口子離城四十里佛光峪 牛家埕以上各離城五十里共

郵四土良地方領夾溝 小李郵 寨子以上各離城四十里

薛家邨 離城四十五里 高家庄 劉家邨 以上各離城三十八里 韋家

瑤 高家樓 姬家樓 以上各離城四十五里 宋家寨 雙塔

馬家庄 以上各離城五十里 共邨十二府店地方領府店鎮

三十五里 滑城河 離城三十里 齊家瑤 離城十八里 廟前邨 離城四十

里 共邨四參駕店地方領參駕店 離城四十里 置市

耆老朝參於此故名一 韓家寨 後寨 唐家瑤 以上

各離城五十里 共邨四縣南日仁義地方領素庄 韓庄

楊庄 以上各離城五里 東王邨 離城八里 曲家寨 離城十里 安家灘

離城十里 共邨六緱氏地方領緱氏鎮 離城二十里 置市 胡家寨

陳家河 造紙河 盆瑤邨 以上各離城二十三里 盆瑤寨

二里 上王河 中天寨 人和邨 子方河 以上各離城二

十五里 戴家庄 車李邨 張家庄 以上各離城二十八里 共邨

十三栢圪當地方領栢圪當 離城二十五里 姚家凹 賈家

屯 以上各離城二十里 馬家灣 王家灣 丁家屯 吳家灣

林家小寨 以上各離城二十五里 北張灣 張家灣 以上各離城二十八

里 金家屯 離城二十五里 一里廟 林家邨 王家寨 官

庄 聶家邨 以上各離城三十里 共邨十六孫家坡地方領孫

家坡 尙家邨 以上各離城三十里 蘇家邨 離城十三里 晉家邨 離城

三十里 姬家邨 齊家瑤 盧家邨 以上各離城三十五里 王家

瑤 離城十七里 小李寨 離城十五里 邢家寨 朱家邨 二郎

廟 孫家寨 孫家邨 劉閣老庄 雙泉 霍家

崗 孫家庄 宋家邨 以上各離城四十里 任翟邨 離城十五里 共

邨二十一 翟家寨地方領翟家寨 離城十五里 張家庄 離城

二十里 佛家寨 離城三十里 郭家庄 離城十五里 温家嘴 離城三十里

單泉 離城三十里 銀李寨 石家寨 以上各離城三十里 朱家邨 離城

三十里 董家邨 離城十八里 陳家邨 離城十二里 焦家邨 離城十五里

市 左家埕 離城三十里 山張邨 離城十五里 姬家邨 離城十五里 共

邨十五 縣西南居伊水之南者曰顧縣鎮地方領

縣鎮 任家圪當 以上各離城十五里 共邨三段

灣地方領段家灣 苗家灣 張家灣 以上各離城十五里

家灣 黃蟒崖 吳家灣 以上各離城十八里 李家灣 離城三十里

共邨七半 爺邨地方領半個寨 五岔溝 香椿崖

以上各離城二十里 趙家寨 離城二十五里 遠家寨 離城十二里 丁瑚店 離城

二十六里 共邨六 甯師地方領甯家寨 師家寨 陶

化店 以上各離城二十里 姬家邨 魏家灣 以上各離城二十三里 馬家

灣 海馬李家邨 以上各離城二十五里 大戶王家邨 舖柳

邨 以上各離城三十六里 楊家邨 左家邨 以上各離城三十里 謝家邨

離城三十六里 白家邨 棗園邨 以上各離城三十五里 辛家邨 閻

家樓 以上各離城四十里 水牛溝 張老虎寨 以上各離城四十五里 共

邨十八 程子溝地方領程子溝 離城二十五里 郝家寨 崔

家邨 崔家河 丁家庄 以上各離城二十三里 鄭家邨 離城二十

五里 鄭家埧 彭家邨 以上各離城三十里 劉家邨 離城十二里 共邨

十大屯地方領大屯鎮 大屯寨 黃邵邨 以上各離城三

十里 閻家邨 離城十二里 共邨四 高龍地方領高龍鎮 置市 高

龍南寨 高龍北寨 以上各離城三十里 共邨三大口鎮地方

領大口鎮 離城四十里 郭家邨 姬家邨 楊家邨

韓家邨 袁家寨 以上各離城三十五里 郭家寨 離城十里 排路

李家邨 離城十三里 溫家邨 張大寨 以上各離城三十五里 南埠

李家邨 南埠張家邨 以上各離城三十里 彦家邨 馬家邨

湯家寨 馬家寨 黃衡衡 曹家寨 以上各離城四十里

蕭家邨 蕭邨西寨 蕭邨南寨 以上各離城四

十五里 砍張邨 離城四十里 聶家寨 粉張邨 以上各離城三十五里

共邨二十六 復合地方領姬家橋 邵家寨 以上各離城三

十五里 後周周家寨 呂家橋 以上各離城四十里 甯家邨 甯

家寨 以上各離城四十五里 經州寨 離城四十八里 經州邨 離城四十五里 南

瑶 離城十五里 姬家埧 董家埧 李家埧 五龍溝 以上各離城五

各離城五 水泉口 離城六 兵馬溝 離城七 草廟邨 離城

四里 共邨十七 縣西居伊水之北 洛水之南者曰馬

圈地方領前馬圈後馬圈 離城八里 馬圈寨 離城九里 寇家圪

當 石家圪當 以上各離城十里 劉家圪當 李家圪當

富家圪當 以上各離城八里 張家圪當 離城九里 共邨九王家庄

地方領王家庄 離城十里 郭家圪當 離城十里 東小寨 離城十二里

共邨三趙家庄地方領趙家庄 蔡園邨 趙庄

寨 以上各離城二十里 西小寨 離城二十五里 共邨四尙家庄地方領

尙家庄 離城十五里 大柳鎮 周家堂 以上各離城二十里 油房庄

褚家庄 尙家店 以上各離城二十五里 前李家邨 離城十八里 共

邨七佛甄地方領佛灘頭 甄家庄 以上各離城二十五里 全

家庄 離城二十六里 共邨三柿園邨地方領柿園邨 王七

公庄 以上各離城二十八里 苗店四 離城二十五里 卧龍庄 離城十八里 共

邨四圪當頭地方 離城二十里 二里頭地方領二里頭

二十四角樓 鄭家埧 小喂羊庄 桑園頭 各

城二十 共邨五 喂羊庄地方領喂羊庄 離城二十里 喂

羊庄寨 離城十五里 共邨二谷堆頭地方領谷堆頭邨 置

小谷堆頭邨 以上各離城十五里 共邨二堤兒頭地方 離城十里

縣西日齊郭庄地方 離城二里 永和地方領東寺庄 離城三里

西寺庄 高庄 以上各離城四里 後庄 離城五里 塔庄 離城八里 共邨

五新寨鎮地方 離城十里 紙庄地方領前紙庄 後紙

庄 以上各離城十五里 古城東大塚頭 以上各離城十八里 共邨四廟庄

地方領廟庄邨 白家邨 胡家邨 王家邨 以上各離

城二十 共邨四 義井地方領義井舖 離城三十里 漁郭邨

離城二里 宋家灣 小灣邨 以上各離城三十里 共邨四縣西北

曰瑤頭地方 離城三里 杏園庄地方 領杏園庄 離城十里 槐廟

離城五里 石峽 離城七里 呂家邨 離城六里 喬家邨 大槐樹 以上

離城七里 三門 離城九里 共邨七土樓地方 領土樓邨 離城十里

離城十里 共邨二溝口頭地方 領溝口頭 香峪

寺 墳庄 以上各離城十五里 潘家屯 離城十里 共邨四蔡庄地

方領蔡庄鎮 離城二十里 羊二庄 新庄 古城寺 以上

各離城二十里 共邨四石橋地方 領石橋鎮 離城三十里 郭家

墳 離城十八里 宋家溝 離城十四里 共邨四省蔡庄地方 領東

蔡庄西蔡庄 以上各離城十里 高家庄 離城四里 羊兒庄 離城

十里 共邨四丁門口地方 領丁門口 離城四里 趙家坡 離城

五里 劉家坡 離城十八里 共邨三縣北曰北瑤邨 離城二里 三

合地方 領古路溝 關家瑤 以上各離城八里 中陽邨 離城十五

里 周家山 離城七里 牛家庄 置市 吉家溝 以上各離城十五里 油店

離城二里 馬凹 離城八里 彭家嘴 離城十里 梅家瑤 離城十里 溝

腦邨 牙庄 以上各離城十八里 共邨十二

古蹟

下洛宮

春秋繁露湯以神農為赤帝作宮邑於下洛之陽

桐宮

史記帝太甲既立三年不明暴虐不遵湯法亂德於是伊尹放之于桐宮帝太甲居桐宮三年正義晉太康地記云尸鄉南有亳阪東有城太甲所放處也按尸鄉在洛州西南五里也

括地志洛州偃師縣南六里有湯冢近桐宮

星衍按今俗以桐宮爲卽虞城桐地并云湯冢所在並無依據當以此爲是

天行宮

太平寰宇記緱氏縣則天行宮在北十里

會聖宮在縣東二十五里

宋史仁宗天聖八年春正月作會聖宮於西京永安以奉三聖御容

歐陽修會聖宮頌國家采漢書原廟之制作宮於永安以備園寢

童鈺曰在偃師北邙山鳳台山上下臨洛水南與宋陵隔水相對宋時地入永安今隸偃師中州金石及會聖宮碑景祐元年立志載元祐九年建金掘宋史作於天聖更在景祐前蓋天聖作宮景祐立碑元祐重修也

湯亭

鄭康成尚書注今河南偃師縣有湯亭

晉太康地道記田橫死於是亭故曰尸鄉

水經注陽水又逕亳殷南班固曰尸鄉故殷湯所都

者也故亦曰湯亭

左傳昭四年申椒舉曰商湯有景亳之命杜預注河

南鞏縣西南有湯亭或言亳卽偃師

劉昭注郡國志皇覽曰偃師有湯亭又云帝王世紀

曰湯亭在偃師

星衍按唐人說尸鄉在縣西南五里尸鄉卽湯亭也

今治移於東則當在縣西南十五里

劉亭

左傳杜預注緱氏縣西北有劉亭

毓倬按舊志有掄臺為商王掄賢才處又有望江臺

為周康公所築又有飲酒臺為秦王世民飲酒看金

墉城處其說妄誕不經今悉刪之

望仙亭

通志在縣仙居保晉王子晉昇於緱氏山居人建亭

望之

太平寰宇記緱氏縣鳳皇臺在縣東二十里佛光峪

內

鹿苑

水經注穀水左合七里澗晉後略曰成都王使吳入陸機為前鋒都督伐京師輕進為洛軍所乘大敗於鹿苑人相登躡死於壘中及七里澗澗為之滿即是澗也童鈺曰鹿苑在古洛陽城東今故城東地盡隸偃師宜入此

白水苑

太平寰宇記陶季連京邦記云覆舟山周回二十里許下有林號白水苑壘

公路壘

元和郡縣志緱氏縣公路壘在縣南三里袁術與

公相拒處

舊志袁術固又名袁術城在治西南三十五里袁術所築

鉤鎖壘

元和郡縣志緱氏縣鉤鎖故壘在縣東北七里宋書司馬休之從宋公西征營於柏谷塢西即此壘相連如鎖因以為名也

太平寰宇記有三壘相連如鎖

覆轅關

左傳襄二十一年晉欒盈奔楚過周王使候出諸轅
轅杜預注河南緱氏縣東有轅轅關

史記高祖本紀因張良遂略韓地轅轅

文選薛琮注轅轅坂十二曲道將去復還故曰轅轅

漢書注臣瓚曰轅轅險道名在緱氏東南

郡國志緱氏有轅轅關

史記索隱引十三州志轅轅爲九十二曲是險道也

元和郡縣志緱氏縣轅轅山在縣東南四十里後漢

河南尹所置八關此其一也

舊志在治東南五十五里崑嶺口今府店皆轅轅地

輾倬按景日珍說崑載轅轅關有二道一在北唐堯

宗屢如崑鑿山開道如車箱歷代置關之所一在南

在今之崑嶺行人以北道幽折林壑隱姦多以南道

軒敞爲便有轅轅關碑在崑嶺口爲宋知縣馬仲甫

傭民所鑿人使其利刻石紀美與元和郡縣志所載

崑嶺坂在緱氏縣東南三十七里轅轅山坂在緱氏

縣東南四十里相合轅轅之名最古故俗稱崑嶺爲

新轅轅關皆在偃師境內自通志沿明一統志之譌

府志襄事輩人遂懷私削去舊說專載入輩余以禱

雨詣崑山九龍潭請水特由轅轅坂道查勘自參駕

店至嶺口與嶺坂東西分路中隔牛心峯從東
螺旋而上有指路碑係乾隆十五年偃師登封同修
御道所立詰屈十二曲中有橋名通濟駕石溝碑亦
載兩邑同修與鞏全無涉將至關兩石夾立如削有
斧鑿痕卽唐高宗所開車箱道與登封分脊自關以
下旋繞東北唐家窰韓家庄皆偃師村落鞏邊幅尙
在五里之外並非旣脫之地豈可魯柝聞邠遂至周
田晉奪今爲據實正之紀載須準以公非私於偃而
薄於鞏也

河南故關

水經注河水又東逕河陽縣故城南

唐書地理志偃師縣有河陽故關

星衍按此關今與孟津分界

嶺關

元和郡縣志緱氏縣嶺坂在縣東南三十七里後

於其上置關

黃馬關

水經注河水又東逕黃馬坂謂之黃馬關

延壽關

晉書地理志新城有延壽關

關都尉

後漢書靈帝紀中平元年三月戊申置八關都尉官
注謂函谷廣成伊關太谷轅轅旋門小平津也

隋關官

隋書地理志偃師有關官

舊寨

舊志在治西南二十里李密屯兵處

縣東驛路

元和郡縣志偃師縣天寶七年四月河南尹韋濟奏
於偃師縣東山下開驛路通孝義橋廢北坡義堂路

馬

北坡義堂

太平寰宇記偃師縣廢北坡義堂路此古大驛路唐
天寶七年四月河南尹韋濟奏於偃師東山下開驛
路通孝義橋故此路廢矣

袁術固

水經注公路澗上有袁術固絕澗迢遠百仞廣四五
里通典偃師西南公路澗上有袁術固

元和郡縣志緱氏縣袁術固一名袁公塢在縣西南
十五里

宋武北征記曰少室山西有袁術固可容十萬家一夫守隘萬夫莫當

明一統志袁術固在縣西南三十五里

通志袁術固在縣南緱氏保

都尉府

隋書地理志偃師有都尉府

公孫府

通鑑大業十二年秋七月勅有司移箕山公路二府於倉內洛口倉

唐書地理志府兵有輜轅

通志在縣南仙居保後廢為店

星衍按至元碑有府店即以唐府兵名也

宋儒學

舊志在東門左明改遺運所後裁改首陽書院今廢有宋碑存

金儒學

舊志在府店盧亞讀書之所元教授侯朝綱撰碑

偃師縣志卷三
 山川志
 北邙山一曰邙山一曰平逢山在縣北二里
 中山經編羝之首曰平逢之山南望伊洛北望穀城
 之山無草木無水多沙石
 左傳昭二十四年王田北山杜預注北山洛北芒也
 元和郡縣志偃師縣北邙山在縣北二里西自洛陽

偃師縣志卷三

翰林院編修孫星衍

同纂

偃師縣知縣湯毓倬

山川志

山屬

北邙山一曰邙山一曰平逢山在縣北二里

中山經編羝之首曰平逢之山南望伊洛北望穀城

之山無草木無水多沙石

左傳昭二十四年王田北山杜預注北山洛北芒也

元和郡縣志偃師縣北邙山在縣北二里西自洛陽

縣界東入鞏縣界舊說云北邙山是隴山之尾乃累山總名建亘修亘四百餘里

太平寰宇記偃師縣北邙山在縣北二里洛陽縣北邙山一名邙山在縣北十里一名平逢山亦邙山之別名也

元豐九域志偃師縣有北邙山

舊志邙山在治西北保駕莊北者曰鳳皇山上有馮熙冢本名馮王山東二里有師子山世傳明時有仙人騎鹿過其上蹄痕入石寸許南二里許為峩眉嶺

兩山對列如眉

山一曰首山一曰黃山在縣西北二十八里

文選注論語比考識仲尼曰吾聞堯率舜等升首山觀河渚乃有五老遊渚五老曰河圖將浮龍銜玉苞刻版題命可卷金泥玉檢封書成知我者重瞳黃姚視五老飛為流星上入昴

甲山經中次三經黃山之首曰敖岸之山又云祁山吉神泰逢司之其狀如人而虎尾是好居於黃山之陽出入有光

水經注河水又東逕平縣故城北河水南對首陽山春秋所謂首戴也夷齊之歌所矣曰登彼西山又云

呂氏春秋曰夏后氏孔甲田於東陽萑山遇大風雨
迷惑入於民室皇甫謐帝王世紀以爲卽東首陽山
也蓋是山之殊目矣昔帝堯修壇河洛擇良議沈率
舜等升於首山而導河洛有五老遊焉相謂河圖將
來告帝以期知我者重瞳也五老乃翻爲流星而升
於昴卽於此也

隋書地理志偃師有首陽山鞏有東首陽山

元和郡縣志偃師有首陽山在縣西二十五里

太平廣記後魏明帝正光二年夏六月首陽山中有
虹下飲於谿泉有樵人楊萬於嶺下見之良久化

爲女子年如十六七異之問不言乃告蒲津戍將
文顯取之以聞明帝召入宮見其容兒姝美問云我
天女也暫降人間帝欲逼幸其色甚難乃令左右持
抱聲如鐘磬化爲虹而上天出入廟窮經錄

元豐九域志偃師有首陽山

舊志有桃頭及羊蹄諸峯東有九龍山下有天平嶺
又東二里許爲鏡鋏嶺又東三里爲龍虎窟東七里
爲磨盤山又東五里爲靈龜山又東九里爲石崗階
壁危巒互七八里

星衍按今縣南有夏后郵疑卽孔甲入於民室之遺

陘也隋志分東首陽山入鞏蓋其連麓太平寰宇記云虹化美女之事乃竊告蒲津戍將則是蒲州首陽故事誤入此明一統志云詩采芩采芩首陽之巔卽此考詩傳云首陽山名也孔穎達正義云在河東蒲坂縣南則非此名矣

半石山在縣東南五十里

中山經半石之山其上有草焉生而秀其高丈餘赤葉赤華華而不實其名曰嘉榮服之不靈

水經注伊尹又北逕高都城東來儒之水出於半石之山

太平寰宇記緱氏縣半石山在縣南十五里

金史地理志偃師有半石山

府志半石山卽萬安山一名石林山

舊志萬安山在縣南五十里九峯相連一名九龍山

東北有黃麓岡迤西有大廟嶺小廟嶺

緱氏山在縣南四十里

劉向列仙傳王子喬見桓良曰告我家七月七日待我於緱氏山巔至時果乘白鶴駐山頭望之不得舉手謝時人數日而去

水經注休水又東屈零星塢水流潛通重源又發側

緱氏原開山圖謂之緱氏山也亦云仙者升焉言王子喬控鶴斯阜靈王望而不得近舉手謝而去其家得遺屣俗亦謂之爲撫父堆堆上有子晉祠或言九山非此世代已遠莫能辨之劉向列仙傳云世有簞管之聲焉

此句列仙傳今脫

元和郡縣志緱氏縣緱氏山在縣東二十九里王子晉得仙處

太平寰宇記緱氏縣緱氏山在縣東南二十里山上有石室飯鶴池按盧氏嵩山記云覆釜堆亦名赴艾堆即緱氏嶺也

明一統志緱氏在縣南四十里

景山在縣南二十里一曰懷來山一曰太平山

曹植洛神賦逕通谷陵景山李善注河南郡圖經曰

景山緱氏縣南七里

隋書地理志緱氏有景山

唐書地理志緱氏有和陵在太平山本懷來山天祐元年更名

太平寰宇記緱氏縣有景山在縣東北八里

舊志一名太子嶺詩商頌陟彼景山松柏丸丸唐太子宏嶺在焉其峯最高者名潘家岡西爲白雲山雲

出卽兩山下有紫雲洞

星衍按明一統志方輿記要及通志皆云景山在縣南二十里詩景員維河卽此其說不經詩傳景大員均並非山名故太平寰宇記亦止以爲洛神賦之景山毓倬按白雲山西盡處其下有白雲洞巖壑奇秀深窅有寺觀可遊眺舊志誤爲紫雲洞

鄴山

水經注陽渠水又東流逕漢廣野君鄴食其廟南在北山上成公綬所謂偃師西也

隋書地理志偃師縣有鄴山

脯山

隋書地理志偃師有乾脯山

太平寰宇記偃師縣有乾脯山九州要記云周敬王於此曝乾脯因以爲名

河南府志疑卽景山

軒轅山在縣東南六十里

隋書地理志緱氏有軒轅山

通典緱氏有軒轅山

舊志西五里南折爲五華坪又西爲磨臍山

百坏山在縣南五十里

劉昭注郡國志緱氏案本紀有百坏山

舊志和帝幸此北有鳳皇崗土建少姨廟廟有透玲碑光潤瑩徹如晶

覆舟山

太平寰宇記緱氏縣有覆舟山九州要記云昔盧口登嵩嶽望覆舟如蟻垤黃河如帶又陶季述京邦記云周回二十里下有林號白水苑是也

玉女山

太平寰宇記緱氏縣玉女山在縣東南三十五里

尸鄉北山

水經注此山即祝雞翁之故居也搜神記曰祝雞翁者洛陽人也居尸鄉北山下養雞百年餘雞至千餘頭皆有名字欲取呼之名則種別而至後之吳山莫知所去矣

鳳臺山在縣東二十里

太平寰宇記緱氏縣鳳臺山在縣東三十里佛光谷內明一統志鳳皇山在縣東二十里

方輿紀要鳳臺山在偃師東二十里按鞏縣界本名皆玉山宋天聖八年建太祖太宗真宗會聖宮於上改名鳳皇山

靈龜山在縣北十里

宋燕府君神道碑唐許州司戶參軍燕欽融墓宋人
建會聖宮逼近墓乃遷於靈龜山東北去葭宏墓七
百九十一步西去王弼墓五里十三步

浮山在縣西南九十里

通志浮山在縣西南九十里上有浮邱公廟

馬鞍山

舊志上有石室崖俗名瓦間堂下有燭光山石色青
赤五峯並列如炎火又西南五里為鸚鵡背西為麒
麟山又西五里為望軍樓山下有石洞又西四里

州寨山世傳懷王屯兵處又西十里為封門口山

西五里為將軍帽山西北為師子谷有雞兒溝內有

石類雞谷云能鳴又西五里為素珠嶺又有兩崖曰

石郊又西北五里為焦山西南六里為小陽山

善羅山在縣西南五十五里

舊志上建祖師廟

中南山在縣西南

舊志相傳為韓湘子煉丹處下有邨曰灰堆西北五
里為鳳皇坪

牛心山在縣西南五十五里

舊志以形似名西三里為箕掌嶺又西北為豹子嶺西五里為浮山又西二里為虎元岡岡西三里為太

后岡有漢薄太后廟一名太尉岡

黃馬坂在緱氏保西北十里

太平寰宇記緱氏縣黃馬坂在縣西北十里戴延之

西征記云次前黃馬坂去計素渚十里即此是也

星衍按今縣西有黃麟崖疑即黃馬坂馬麟聲相近

而水經注言河水又東經黃馬坂今在伊水上與古

不合

鄂嶺坂在緱氏保東南三十七里

元和郡縣志緱氏縣鄂嶺坂在縣東南三十七里

八王故事曰范陽王保於鄂嶺坂後於其上置

轅坂

元

和郡縣志緱氏縣轅坂山在縣東南四十里

靈星

晉太康地記尸鄉南有靈星

水經注休水北歷覆釜堆東又東屈靈星

太平寰宇記緱氏縣有靈星隴盧氏嵩山記云此隴

有道士浮邱公接太子晉登仙之所也

和谷陽

水經注洛水又東逕百谷陽戴延之西征記云塢在川南因高為塢高十餘丈劉武王西入長安舟師所保也

太平寰宇記緱氏縣有栢谷塢戴延之西征記云塢在川南因原為塢高數丈在縣東姚洸部將趙元所守為塢王所破塢西有二寺在原上入谷數十步又有二佛精巧美利有牛舂馬簸水碓之利

魏倬按晉書義熙十二年劉裕伐秦軍至成臯秦魏洸鎮雒陽使趙元屯栢谷塢以拒裕裕使毛德祖擊之因營栢谷塢築三壘相連曰鈎鎖遂拔洛陽秦魏之因營栢谷塢築三壘相連曰鈎鎖遂拔洛陽秦魏秦淮少林寺碑記內云寺西北五十里有栢谷塢羣峯合沓深谷逶迤複磴緣雲俯窺龍界高峯佛日旁臨鳥道居晉成陽在齊為郡王世充僭號署曰轄州乘其地險以立烽戍將圖禁宮少林寺僧志惠暘曇宗等率眾以拒執充姪仁則以歸太宗太宗嘉其義烈頻降璽書賜地四十頃水碾一具即栢谷莊也舊志載即緱氏鎮東七里之栢圪塢而未詳其形勝與古相合童鈺修郡志遂以鞏縣百谷當之駁舊志為誤余心疑童說以修邑乘因親勘焉由景山西麓入

谷峭壁夾峙，豁豁詰曲，虧蔽曠景，卽戴延之西征記所謂谷中無迴車地。曩聞綠谷皆栢，今斫伐無餘。谷前爲塢，高十餘丈，俯臨休水，其巔有寺，人猶以塢上稱之，卽名勝志所謂塢。西有寺，今寺左磴道螺旋下，躡無際老栢數株，盤拏譎詭，猶古時物。卽裴灌記中所謂高峯佛日傍臨鳥道者也。塢前休水平澗，卽西征記宋武帝舟師所墜。後唐太宗擊緄氏，沉運艘三十艘，應卽在此川之北。有壘二，其南壘一，皆濶十餘丈，與塢犄角，鈎連。卽宋武帝所設三鈎鎖壘，一壘亦南寺與寰宇記塢西有二寺，相舍年久，壘被水衝，猶有礎檠。塢左右馬家金家顧家等屯，爲歷代戰地。卽唐賜少林寺之莊田，登塢而望，萬安少室羅浮前，伊洛休劉統於右，伊闕西連轅轅東，時負險阻，深宥鯨噬，虎踞之勢。其後司馬徽所逃，咸陽王熙所屯，宇文泰所攻，王世充所立，戊李密所控，據皆在焉。窺東都趨陽城者，必扼之以蓄批亢擣虛之勢。後周曾自洛陽移緄氏縣於鈎鎖故壘，是栢圯墻卽栢谷塢。考古証今，確然無疑。童鈺旣未查休水入洛處，與畫縣界中隔景山相去二十餘里，誤以景山東黎樹溝水爲休水。遂云塢在鞏，假交界休水上，卽云休水古

獨入洛今改流會伊水入洛然皆近緱氏鎮數里內
 為偃師正中地豈有越景山以流入鞏縣界之理又
 未查栢圪堵前休水平澗可容舟師誤云在重嶺絕
 澗不可泊舟將水經注休水入洛水逕栢谷塢又會
 陽渠水又北逕偃師次序紊亂改裴淮記中在少林
 寺西北五十里為東北改鈎鎖三壘為三壘不知當
 日何以堅執廻護若此今詳為辨正於左惟述征記
 以栢谷隴即漢武帝微行逆旅主人不納之栢谷亭
 細釋漢書上下文亭之地當在鄆杜上林間非偃師
 栢谷塢耳至一統志以栢谷塢在宜陽州更荒唐無
 足辨矣

洛洞

太平寰宇記偃師縣有洛洞劉義慶幽明錄曰洛下
 有洞昔有婦人推其夫下岸乃得一穴行百餘里覺
 踐如塵噉之裏以為糧行至文州以問張華云洛洞
 洞人所處在縣東南
 通志浮邱洞在縣東南浮邱修道之所
 星衍按浮邱洞即洛洞也
 石室在縣東南

太平寰宇記劉澄之永初記云尸鄉有石室有仇生

者居焉

通志石室洞在縣南

僵人穴

水經注溫泉水側有僵人穴穴中有僵尸戴延之從劉武王西征記曰有此尸尸今猶在夫物無不化之理魄無不遷之道而此尸無神識事同木偶之狀喻其推移未若正形之速遷矣

毓倬按舊水經注刻作重人穴今从武英殿校本正作僵

石岡在鳳臺山東八里

舊志邙山少石惟此山石壁峭立峯巒蒼秀下臨洛水與鞏縣黑石關東西相望俗名割截

豢龍巖

舊志緱氏山其上多金玉少草木有豢龍巖

星衍按卽劉累豢龍之地故偃師有劉累城有劉氏

後遷魯陽

委粟嶺在縣西南五十里

舊志云宋修陵採石委粟於此故名

香爐峯在縣東南六十里

通志在縣東南六十里其峯蒼翠峭拔狀似香爐

百里坪在縣南五十里

川屬

洛水自洛陽縣來東流伊水東北注之又東逕縣南伊水西北注之又東北屈曰曲洛又東與鄆水合曰鄆中又東入鞏縣界

穆天子傳天子遊於黃澤宿於曲洛

水經注洛水又東過洛陽縣南伊水從西來注之又東過偃師縣南酈道元注洛水逕百谷塢北又北逕偃師城東東北歷鄆中

元和郡縣志維氏縣洛水自西洛陽界流入

太平寰宇記偃師縣曲洛穆天子傳天子東遊於黃澤宿於曲洛今縣東洛北有曲河驛以洛水之曲爲名洛經其南

元豐九域志偃師有曲洛

舊志洛水原出陝西洛南縣豕嶺山東流經盧氏永寧宜陽洛陽至故洛陽城東義井舖南入偃師縣境流經桑園頭岳家灘東一里許伊水自西南東注之伊水自洛陽縣來東北流合水北注之又東入於洛

水經注地記曰洛水東入於中提山間東流會於伊是也昔黃帝之時天大霧三日帝遊洛水之上見大

魚殺五牲以醮之天乃甚雨七日七夜魚流始得圖
書今河圖視萌篇是也昔王子晉好吹鳳笙招延道
士與浮邱同遊伊洛之浦含始又受玉雞之瑞於此
水亦洛神宓妃之所在也又云伊水自闕東北流枝
津右出焉東北引漑東會合水同注公路澗入於洛
今無水

通志楊柳渡在縣南卽伊洛會流之處

舊志伊水源出盧氏縣閭頓嶺流經宜陽嵩縣洛陽
由伊闕北轉折東又北至趙家寨入偃師縣境流經
杏椿崖渡東北逕佛灘頭東流逕段家灣北迤東

里許劉澗水自西來注之

合水出縣西山右合雙泉單泉北流劉水西北注之又
北入於伊一曰公路澗一曰光祿澗

中山經半石之山合水出於其陰而北流注於洛多
鱸魚狀如鰕居達蒼文赤尾食者不癰可以爲瘻

水經注洛水又東合水南出半石之山北逕合水塢
而又東北流注於公路澗但世俗音譌號之光祿澗
非也上有袁術固四周絕澗有一水淵而不流故谿
澗卽其名也合水北與劉水合又北流注於洛水也
通典偃師縣西南有公路澗俗云光祿澗

太平寰宇記緱氏縣公路澗在縣西南三里

通志公路澗在縣西南

星衍按圖經栢葉溝出縣南山與雙泉單泉合北流右合一水北入於洛卽合水也

童鈺曰按舊志誤以合水二源一爲合水一爲劉澗水又誤以劉澗水爲休水與酈注不合由不知今緱氏非古緱氏且不詳休水不入合水也又云按合水出半石山今名青蘿山有二源一爲鮑魚溝水一爲楊家溝水至姬家邨合流是爲合水旁有單泉注所謂一水淵而不流者也

星衍按圖經合水經注則鮑魚溝水乃劉水也

水在縣西南五十里入於合水

水經注合水北與劉水合水出半石東山西北流逕劉聚三面臨澗在緱氏西南周畿內劉子國故謂之劉澗其水西北流注於合水

通志劉澗河在縣西南五十里周劉康公食邑於此舊志劉水源出縣南五十里青蘿山鮑魚溝水經注云水出半石東山西北流於劉聚三面臨澗在緱氏西南周畿內劉子國卽此今由孫寨西流而北崖東有雙泉又北至碾子河寺兒溝水自東南來入之寺

兒溝水出西九龍山下溝中有二源又北二里至姬家邨北楊橋溝水自西南來入之楊家溝水出青蘿山西北百步嶺有泉翻湧如沸土人呼爲將軍泉流經翟家寨西北流至姬家邨北與劉澗水會東崖有單泉廣丈餘深五尺世傳唐終南山王祖師尋其友張神童至此有金蓮七朶生於池內故亦名金蓮溝攷水經注一水淵而不流今單泉水泓澄淵涵不能下注是矣單泉東半里卽劉水之源水經注云劉水出半石東山則半石山應在二水之間今二水相並約四五里中夾高阜俗呼爲鳳凰坪與水經注所謂

東術固四周絕澗迢遞百仞廣四五里正合知此卽

合水水經注云谿澗卽其名今水自姬家邨北與劉水會又號劉澗河則是以谿澗劉水合而得其名也北流自陶化店東南休水自東南來入之

童銍曰劉水今馬澗河源出佛光谷名珍珠泉出東西九龍口注於劉澗西九龍口卽半石東山

星衍按縣圖經梨樹溝水出馬鞍山西北流石合一水曰鮑魚溝又西北至姬家邨入於合水卽劉水也休水自登封來西北流左合一水又西北至縣南入於洛

中山經少室之山休水出焉而北流注於洛其中多
鱗魚狀如螯蝓而長距足白而對食者無蠱疾可以
禦兵

水經注洛水又東逕計素渚又東值偃師故縣南與
緱氏分水又東休水自南注之其水導源少室山西
流逕穴山南又左會南谿水又西南北屈潛流地下
其故瀆北屈出峽謂之大穴口北歷覆釜堆東又東
屈零星鳴水流潛通重源又發側緱氏原又逕延壽
城南緱氏縣治又西轉北屈逕其城西又北流注於
洛水

舊志休水源出縣東南六十里萬安山後谷栢葉
中西流佛光寺南寺前有白松樹皮類雪大十餘圍
有馬跑泉泉出平地世傳唐元奘自西域還所乘之
馬跑地得泉故名又有暖泉出寺北冬溫夏涼深丈
餘泉水湧翻如珠又名珍珠泉下流溉粳稻數畝合
馬跑泉注於休水再西三里馬鞍山水自南來會之
水經注云休水導源少室山西又左會南谿水發大
穴南山即今馬鞍山北流入休水休水又西南北屈潛流
地下其故瀆北屈出峽謂之大穴口今按萬安山後
谷水正在少室之西至佛光谷西與馬鞍山南谿水

合水歸於北故謂西為左水經注所言左會南谿水
 卽此又由佛光谷西流六七里卽澗正其潛流地下
 處兩山相對為峽今水道正由萬安百坯兩山之間
 北出下卽口子邨則所謂出峽為大穴口此其是矣
 北流經緱山西水經注休水北歷覆釜堆東疑西字訛以
 物象受名一名撫父堆堆上有子晉祠今緱山上有
 子晉廟唐武后碑存焉卽此又西北俗名馬澗河又
 云拜澗馬河相傳子晉乘鶴升仙棄所乘之馬於此
 鄉人拜之因名又西北至邱家灣水復出水經注所
 云發側緱氏原也屈而西經陳家河至緱氏鎮北二
 里為造紙河又西由王家河至陶店南與劉澗水會
 水經注休水又經延壽城南緱氏縣治西轉北屈逕
 其城西又北流注於洛水今則經緱氏鎮北與劉澗
 水會至段家灣東先會伊水後注於洛或古緱氏治
 非今鎮地古今陵谷變遷不同耳伊水又東屈而北
 逕安家灘西由王家莊渡岳家莊渡東一里許與洛
 水會洛水又東經棗莊渡楊邨渡東梨樹溝諸水入
 之梨樹溝水出萬安山下西北流一里許黃龍泉自
 東來會水出寨子邨東溝與梨樹溝相望遙隔一岑
 再西北流經韋家壩南至二龍溝夾溝水自南來會

之夾溝水源出夾溝邨西南萬安山下溝中西岸有
旅停廟又名旅停泉舊流至旅停廟北半里許卽潛
地下至夾溝橋下復出乾隆元年不復潛流橋下與
橋下泉水合至二龍溝與梨樹水會北流至府店鎮
東經望仙橋北靈泉水自東流注之

毓倬按出萬安山中之水有二西爲休水由緱山西
流逕栢谷塢西段家灣會伊水洛東爲梨樹溝水由
緱山東流逕古滑城又名滑城河下二龍溝至史家
灣繞楊邨入洛與休水上隔緱山下隔景山東西相
距三十里童鈺誤指梨樹溝爲休水不可從

鄆水在縣東北十一里與鞏縣分界南入於洛一曰溫
泉

左傳昭二十三年郊鄆潰杜預注河南鞏縣西南有
地名鄆中

說文鄆周邑也

郡國志鞏有鄆谷水

水經注洛水又北逕偃師城東東北歷鄆中水南謂
之南鄆亦曰上鄆也逕訾城西司馬彪所謂訾聚也
而鄆水注之水出北山鄆谿其水南流世謂之溫泉
鄆水又東南於訾城西北東入洛水故京相璠曰今

鞏洛渡北有鄴谷水東入洛謂之下鄴故有上鄴下
鄴之名亦謂之北鄴於是有南鄴北鄴之稱矣
括地志溫泉卽鄴谿出洛州鞏縣西南四十里又云
又有故鄴城在鞏縣西南五十八里按洛州緱氏縣
東南四十里與鄴谿相近之地

明一統志鄴谿在縣東北一十四里有蓮池夏冷冬
煖舊志鞏水其源有二俱在邙山之麓一出縣東十
八里溫泉寺一出縣東十五里溫泉寺旁康熙初知
縣崔鳴鶯疏濬開渠民資灌溉其出孫家溝者南流
八里許與此水會南流入洛

半馬澗在縣南三十里一曰百馬澗一曰拜馬澗

太平寰宇記緱氏縣有半馬澗按盧元明嵩山記云
半馬澗人或云百馬澗亦曰拜馬澗古老傳王喬得
仙而馬還國人思之不見乃拜其馬於此也按在佛
光谷下徹公路澗

明一統志拜馬澗在縣南三十里

洛鹿澗在縣南三十五里

嵩山記王子晉學道於洛鹿澗澗旁有靈星塢

明一統志洛鹿澗在縣南三十五里

七里澗在縣西故穀水

水經注穀水又東注鴻池陂其水又東合七里澗晉後略曰成都王使吳人陸機為前鋒都督伐京師輕進為洛軍所乘大敗於鹿苑人相登躡死於塹中及七里澗澗為之滿即是澗也穀水又東逕偃師城南又東流注於洛水矣

計素渚在縣境

水經注洛水又東逕計素渚中朝時百國貢計所頓故渚得其名又直偃師故縣南與緱氏分水

太平寰宇記戴延之西征記云次前至黃馬坂去計素渚十里

衍按西征記云黃馬坂去計素渚十里則此坂今黃麟崖也麟馬聲相近而水經注以黃馬坂為河水所逕與今伊水上坂不合未知何故

負瀾谿在緱氏保南四十里

太平寰宇記緱氏縣瀾谿在縣南八里

舊志蘭谿舊云在縣南四十里今無考

雙泉在縣南六十里俗曰甘露泉

太平寰宇記緱氏縣雙泉在縣南十里

明一統志雙泉在縣南二水並出

通志甘露泉在縣南細流如綫其味苦

舊志甘露泉出縣南六十里焰光山

靈泉在縣南三十五里

宋政和四年張挺撰碑云崧高之下曰緱氏山距山不遠遺冢具存民俗傳爲浮邱藏劍之所卽其巔構祠以祀焉政和二年夏六月泉出庭下澄澈如鑑甘過飴映帶清流人初易之俄鷗鳧泳者輒死病者請禱飲之卽愈

舊志靈泉出水源出府店鎮東靈泉溝宋時始出醴甘如飴張挺有記久涸乾隆初復出經浮邱公廟與梨樹溝水會爲五龍口西迤邐府店鎮北屈而西北至江邨寨北滑城泉自東來注之又有乾河自東北通焉乾河出鞏縣鳳凰山經偃師韓家莊與此水會山雨泛漲則水大至非雨常涸又西北流經馬家屯折而東北經鞏縣李家屯折而西又折而東北經顧家屯燒灰埕至史家灣東折而西北東注於洛舊云乾河在治南史家灣北入伊洛蓋以其時諸水俱涸故也河東有鞏偃交界碑康熙二十五年立洛水又東至孫家灣東鄴溪水自北來注之

二龍溝水出縣北二里邨山麓

舊志二龍溝水源出治北二里許邨山之麓有潭澄

澈如鑑禱雨輒應康熙初知縣崔鳴鶯濬疏成渠南
流遶白虎堰西折而東逕王公堤前與湯王溝水合
今澗

毓倬按乾隆二十六年溝水衝北城知縣王垂緒鑿
渠重建二橋使安流入洛今利之

湯王溝水出縣東北四里邨山南麓

舊志湯王溝水源出治東北四里邨山南麓湯王廟
前有潭深丈餘知縣崔鳴鶯與二龍溝水同時疏濬
成渠流經王公堤外南與二龍溝水會入洛後涸乾
至八年復出南流里許而止

龍廟溝水出縣東北十五里邨山南麓

舊志五龍廟溝水源出治東北十五里邨山南麓有
泉南流里許而止

五龍潭在縣西南七十里

舊志五龍潭水深丈餘澄澈如鑑旱潦無增減禱雨
輒應

黑龍泉在縣西北二十里首陽山

舊志黑龍泉在治西北二十里出首陽山元帝廟下
國初其水甚大某年枯雍正復出南流里許而止
冷水洞在縣南府店東望嵩橋下

舊志冷水洞在縣南府店東望嵩橋下有池水冷切入骨今涸

鸞猪洞在縣南仙君保

舊志鸞猪洞在縣南仙君保昔有鸞猪處此土人獲之故名未詳何處

牛角川在縣南二十五里

舊志牛角川在縣南二十五里以形名今無攷

張公泉在縣南緱氏保

舊志張公泉在縣南緱氏保俗傳宋時有張公取飲之故名今涸

過仙洞在縣南石橋保

舊志過仙洞在縣南石橋保其洞可通人行一名穿山洞未詳何處今首陽山羊蹄峯東有黑山凹雍正初土人掘石得洞取火視之其中寬者數丈狹者纔通人行咸有勞鑿痕行二里許火滅不敢復前不知深幾里也疑卽此洞土人出卽封其口今不復識

陽渠自洛陽來經縣境一曰九曲瀆

水經注洛水逕百谷塢北洛水又北陽渠水注之洛水又北逕偃師城東又云穀水又自樂里道屈而東出陽渠又東逕馬市石橋是渠今引穀水按陸機洛

陽記劉徵之永初記言城之西面有陽渠周公制之也亦謂之九曲瀆故河南十二縣境簿云九曲瀆在河南鞏縣西西至洛陽又按傅暢晉書云都水使者陳狼鑿運渠從洛口入注九曲至東陽門是以阮嗣宗詠懷詩所謂朝出上東門遙望首陽岑又言遥遥九曲間裴回欲何之者也又云陽渠水又東流逕漢廣野君鄉食其廟南廟在北山上成公綏所謂偃師西山也陽渠水又東逕亳殷南

境矣

伊水枝渠在縣西南入於洛

水經注伊水自闕東北流枝津右出焉東北引溉東會合水同注公路澗入於洛今無水戰國策曰東周欲爲田西周不下水蘓子見西周君曰今不下水所以富東周也民皆種他種欲貧之不如下水以病之東周不必復種稻種稻而復奪之是東周受命於君矣西周遂下水卽是水之故渠也伊水又東北枝渠左出焉水積成湖北流注於洛今無水

星衍按東周卽鞏縣也伊水右枝渠當起洛陽入偃

師與公路澗合水會又東當與休水會乃入鞏縣界
所謂下水東周也

童鈺曰合水者今段家灣水也上為公路澗伊水不
能與合水同注深澗合水出澗口乃得合流酈注文
當有誤又云道元時伊洛在洛陽合流今伊入洛在
偃師正南側伊水左枝渠亦偃師水利所必講不獨
右枝渠也

通濟渠

隋書煬帝紀大業元年三月發河南諸郡男女百餘
萬開通濟渠自西苑引穀洛水達於河

通鑑武德元年九月世充出師擊密於丑至偃師
於通濟渠南作三橋於渠上

方輿記要通濟渠在偃師縣南故陽渠也隋時修導
之

通山溝在縣西北三十里南起邙山北通孟津疑古九
水

明一統志通山溝在縣西北三十里深二丈濶百尺
南起邙山北通孟津

方輿記要昔以邙山澗谷之水并流入洛每遇霖潦
輒致泛溢因此為溝導之入河

星衍按中山經和山實惟河之九都五曲九水出焉
合而北流注於河水經注河水逕平縣故城東又東
溴水入焉或以為卽通山溝未敢定之

三公堤在縣城外長九里濶二丈明知縣王環所築
白虎堰在縣北

舊志黑龍溝水衝城為害元元統間築堤橫當城門
西折南障溝水東西分流環縣城至許家莊合流入
洛

一龍溝水渠在縣北湯王溝水渠在縣東北
舊志二龍溝水南流達白虎堰西折而東逕王公堤

前與湯王溝水合而入洛康熙初知縣崔鳴鶴濬
渠

義井舊志有二一在石橋鄉人孫氏所鑿一在治西三
十里馮王廟前鄉人所鑿以濟大道行人之渴

烈婦井在縣南金程晉妻死所
通志烈婦井在縣南金程晉妻彭氏為軍士所刼欲
汚之投井死因名之

城內烈婦井

舊志崇禎間烈婦蘭氏死節之所
井渠在縣境

星衍按井渠始自漢河渠書云發卒萬餘人穿渠自
徵引洛水至商顏下岸善崩深者四十餘丈往往爲
井井下相通行水井渠之生自此始是也此龍首渠
今在陝西同州予以乾隆五十一年四月至雍正豫
道出偃師於時天久不雨白關以外麥苗黃落惟偃
師境中多有井渠施水車鹿盧駕以牛馬四圍隴畝
藉以灌溉青苗蔚然異於他縣乃知井渠之益特
其田疇自是富家之產民間無力穿井故其利不廣
偃師城南伊洛交會伊水在右枝渠東出又古者
渠經歷之處穀水亦至此焉所謂七里澗也如得
有司攷求溝洫故道並爲堤堰則水旱可以無患

豈非立功勤民之急務與或復畏難則偃師地近
伊洛谿澗四州江南水車之法疑亦可率民行之又
皆邊土水開穿丈許便可得泉所在井渠是其明効
若爲籌鑿百數十井並買器具資民運用以防旱燥
亦一時之利予所以於縣中故渠采摭書傳以俟民
之父母加意於斯往在關中巡撫畢公欲通長安城
南隋龍首故渠屬余作漕渠攷綜核古今瞻眺地勢
並手圖漢唐故道呈之於公會公移鎮中州其事遂

寢公嘗留意溝洫曾奏修涇陽鄭白故渠及各府縣
水利民獲其益今來中州新政之美聞於朝野會與
余論井渠之法及言偃師地勢又三致意焉余退而
放之如右

